

# 《聖無動尊一字出生八大童子祕要法品》CBETA 電子版

版本記錄: 1.2

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1204

## No. 1204

### 聖無動尊一字出生八大童子祕要法品

#### 大興善寺翻經院述

金剛手言。一切眾生意想不同。或順或逆。是故如來現慈怒身。隨作利益。解云。諸佛大悲愍眾生故。即於順者以順而勸。若於逆者以逆而制也。一佛住忿怒三昧。時十方諸佛同共入忿怒瞋三昧。豈毘盧遮那於無相中示現明王。時諸佛菩薩更不現忿怒身哉。是故四方如來。現教令身降伏眾魔。雖然猶不親隨逐。所以本誓不同。或降三世菩薩。降伏天魔及三世貪瞋癡。或軍荼利菩薩調伏常隨魔。謂毘那夜迦。及人魔或焰魔特迦。降伏龍魔及諸怨敵。或金剛夜叉。調伏鬼魔及無智者。如是種種不可具說。不動明王恒隨行者。若天若毘那夜迦。若龍若鬼。所作障礙一時消滅。然諸佛菩薩。若同住一三昧者。可有隨不動弘誓之使者。爰有三藏不空能達明道。即披見祕藏要文。有不動明王一字心密語。即以八字而嚴一字。其八字者即歸命句也。唵字為本尊。若爾寧上八字無其形哉。所以者何。𑖀那𑖀莫等八字。一一皆歸敬於唵之一字。是故從其八字出生歸敬使者。圍繞於唵之本尊。所以有八大童子。一慧光菩薩(金剛云。迴光即以慧如光照迴一切故)。二慧喜菩薩(金剛云。慧喜即迴慧為喜)。三阿耨達菩薩。四指德菩薩。五烏俱婆譏。六清淨比丘。七矜羯羅。八制吒迦。是等使者四智四波羅蜜。為親隨順大日教令故。顯現此形圍繞聖無動尊也。各別真言中顯示其義。解云。東方金剛部。即菩提心門。以日光為喻。所以出生使者名慧光。南方寶部即福德門。所以出生使者名慧喜。以福智二嚴為喜故。西方蓮華部即智慧門。所以出現使者名阿耨達。此云無熱。表蓮華生池水而清淨無垢故。北方羯磨部即精進門。所以出生使者名指德也。今此部指前三部德。即依精進能得果故。所以名指德(已上四智)金剛波羅蜜即菩提心行。所以出現。使者名烏俱婆譏。此云超越住世也。寶波羅蜜福德心行。所以出生使者名清淨比丘。表比丘能守護法寶故。法波羅蜜慈悲心行。所以出現使者名矜羯羅。此云隨順。業波羅蜜即方便心行。所以出生使者名制多迦。此云息災也。菩薩方便現瞋形故也。八童子所依說已竟

若行者欲得現當悉地者。行法之中稱彼各名。請乞救護及結印誦呪。即成一切世間殊勝悉地

慧光童子菩薩真言曰(即金剛合掌忍願合如針)

唵 囉 日 囉 二 合 (一) 摩 帝 入 縛 二 合 囉 (二) 菩 地 質 多 (三) 曩  
(歸命本尊)

慧喜菩薩真言曰(金合忍願如寶形)

唵 囉 怛 曩 二 合 (一) 摩 帝 娑 度 (二) 摩 訶 摩 拏 (三) 莫 (歸命本尊)

阿耨達菩薩真言曰(金合忍願如蓮葉)

唵 鉢 納 麼 二 合 (一) 薩 嚩 嚩 引 賀 鉢 囉 二 合 捨 弭 曩 (二) 摩 訶  
訶 達 摩 (三) 三 (歸命本尊)

指德童子菩薩真言曰(金合忍願入掌中面相合)

唵 羯 羅 摩 二 合 摩 訶 吠 哩 耶 (大無畏也) 鉢 哩 布 囉 迦 (滿願) 滿  
(歸命本尊)

烏俱婆識童子真言曰(金剛合掌)

唵 囉 日 囉 二 合 (一) 薩 埵 婆 (二) 烏 俱 婆 識 (三) 摩 訶 燥 獰 企 耶  
二 合 (四) 多 (歸命本尊)

清淨比丘使者真言曰(梵夾印)

唵 摩 尼 (一) 尾 輪 馱 達 摩 俱 嚩 (二) 囉 乞 叉 達 摩 (三) 囉  
(歸命本尊)

矜羯囉童子真言曰(蓮華合掌)

唵 達 嚩 嚩 麼 (一) 矜 羯 囉 (二) 底 瑟 吒 (三) 日 囉 二 合 (歸命本尊)

制多迦童子真言曰(外縛五股印)

唵 羯 嚩 嚩 麼 (一) 制 吒 迦 (二) 吒 吒 (三) 發 吒 (四) 南 (歸命本尊)

次本尊真言曰(通用經中印) 唵 (一) 阿 左 囉 (二) 贊 拏 (三) 哈 (所歸本尊)

次說像法

行者點取一清淨靜處。勿令見人及與非人。即行者與工人共清淨著新淨依。取白  
氈或淨版或淨衣。令畫本尊與八大童子(本尊通用經中像)

慧光之形。少忿怒著天冠。身白黃色。右手持五智杵。左手蓮上置月輪。袈裟瓔  
珞種種莊嚴

次慧喜菩薩。形似慈面現微笑相。色如紅蓮。左手持摩尼。右手持三股鉤

阿耨達菩薩形如梵王。色如真金頂戴金翅鳥。左手執蓮華。右手持獨股杵。而乘  
龍王

指德菩薩形如夜叉。色如虛空而有三目著甲冑。左手持輪。右手三叉鉢

烏俱婆識戴五股冠。現暴惡相身如金色。右手執縛日囉。左手作拳印

清淨比丘剃除首髮。而著法袈裟。於左肩結垂。左手執梵夾。右手當心持五股杵  
。右肩現露。於腰纏赤裳。其面貌非若非老。目如青蓮。其口上牙於下顯出

次矜羯囉形如十五歲童。著蓮華冠身白肉色。二手合掌。其大二指與頭指間。橫插一股杵。天衣袈裟微妙嚴飾

次制吒迦亦如童子。色如紅蓮頭結五髻(一結頂上之中。一結額上。二結頭左右。一結頂後。表五方五智)左手嚙日囉。右手執金剛棒。瞋心惡性之者故不著袈裟。以天衣纏其頸肩。畫像法說已竟

次說供養法

行者欲陳供養者。先須發菩提心。云何菩提心。謂發救眾生之心。思惟眾生苦惱起拔濟心也。如是發心時。不動明王及八大童子為不請師。從自心出護持行者。應當供養。住於山林寂靜之處。燒香散花持念真言。如是行時。使者現身隨意奉仕。先須禮四方如來發大誓願

即禮東方作是念言。眾生無邊誓願度。是大圓鏡智願也。即菩提心門。菩提心即度眾生心。故發此願作禮者。乃至成佛常得金剛薩埵加持。令菩提心圓滿

次禮南方作是念言。福智無邊誓願集。是平等性智之因也。即福智門。以福智二種資糧利益眾生故。若發此願作此禮者。乃至成佛地地中常得虛空藏菩薩授與灌頂。福智圓滿

次禮西方作是念言。法門無邊誓願學。是願妙觀察智之因也。即智慧門。為大法王故。作是願禮者。乃至成佛當得觀自在菩薩加持。智慧圓滿

次禮北方而作是念言。如來無邊誓願仕。是成所作智之因也。即作業門。於諸佛前作諸事業故。若作是願禮者。乃至成佛當得金剛業菩薩加持。於一切佛世界成就廣大供養業

次禮毘盧遮那如來而作是言。無上菩提誓願證。是法界體性智之因也。證大日普賢位。周遍法界。更利眾生故發此願。時十方諸佛同時證明。讚言善哉。是故一切菩薩聖眾皆共守護。不久當得被無上道。總願既說。餘諸別願隨意應陳。乃至以此善根迴向自他平等利益。兼不食不淨之物。心無憂愁不起貪瞋癡等煩惱。不樂世樂深修禪定。如是行者是世大樂。是眾生師。三摩地現前。速證無上正等菩提

聖無動尊一字出生八大童子祕要法品

享保二十龍飛乙卯清明念八日。竊點師傳刊行焉。而無異本可以校者。則以其未正冠書之。以備後人之取捨。冀為訂之

日域豐山長谷輪下桑門無等識